

ქორწინების კურთხევა

ჯვრისწერა

დანიშნულ დროს, დასაქორწინებელი წყვილი და მოწმეები (მეჯვარეები) იკრიბებიან ეკლესიაში ან სხვა შესაბამის ადგილზე.

მათი შემოსვლის დროს შეიძლება იგალობონ საგალობელი, ფსალმუნი ან ჰიმნი, ან შეიძლება პროცესიით შემოსვლა გაფორმდეს ინსტრუმენტული მუსიკით.

ღვთისმსახური დგას სახით ხალხისა და დასაქორწინებელი წყვილის (ქალი მარჯვნივ, ხოლო კაცი მარცხნივ) მიმართულებით და მიმართავს მრევლს:

საყვარელნო: დღეს ჩვენ შევიკრიბეთ ღმერთის სამყოფელში, რათა დავამოწმოთ და ვაკურთხოთ ამ კაცისა და ქალის წმინდა ჯვრისწერით შეერთება. საქორწინო კავშირი და აღთქმა ღმერთის მიერ მოგვეცა სამყაროს შექმნისას, ჩვენმა უფალმა იესო ქრისტემ კი განადიდა ცხოვრების ეს წესი გალილეის კანას ქორწილში მისი მყოფობითა და პირველი სასწაულით. ეს ჩვენდამი არის გამოხატულება ქრისტესა და მისი ეკლესიის მისტიური შეერთებისა, წმინდა წერილი კი მცნებად გვიდებს ამის წმინდაყოფას ყველა ხალხში.

ქმრისა და ცოლის გულისმიერი, სხეულებრივი და გონებისმიერი შეერთება განზრახულია ღმერთის მიერ, მათი ორმხრივი სიხარულისათვის. გეძლევათ ერთმანეთი, რათა ჭირსა და ლხინში იყოთ ერთმანეთის დამხმარენი და ხელშემწყობნი; და როცა ეს ღმერთის ნებაა, გააჩინოთ შვილები და აღზარდოთ ისინი ღმერთის შემეცნებითა და სიყვარულით. ამიტომაც ქორწინება არ უნდა იყოს უმნიშვნელო აქტი, არამედ ღირსეული, ფიქრით გადაწყვეტილი და ღმერთის მიერ მოცემული მცნებებით აღსრულებული.

N.N. და N.N. ახლა მოვიდნენ რათა შეერთდნენ ამ წმინდა კავშირით. თუ კი რომელიმე თქვენგანს შეუძლია წარმოგვიდგინოს ერთი მიზეზი, რატომაც არ შეიძლება მათი კანონიერად დაქორწინება, თქვით ახლა ან სამუდამოდ გაჩუმდით.

შემდგომ ღვთისმსახური ეუბნება დასაქორწინებელ წყვილს:

ახლა კი მოვითხოვ და გავალდებულებთ ორივეს, აქ - ღმერთის სამყოფელში, თუ კი იცით რაიმე მიზეზი, რის გამოც არ შეიძლება თქვენი შეერთება ქორწინებაში კანონისა და ღმერთის სიტყვის მიხედვით, აღიარეთ ახლავე.

ალთქმების დადება

ღვთისმსახური ეუბნება ქალს:

N., მიიღებ ამ კაცს შენს ქმრად, რათა იცხოვროთ ერთად შეთანხმებულ ქორწინებაში? გეყვარება იგი, პატივს სცემ მას, მხარში ამოუდგები და დაიცავ მას ავადმყოფობისა და ჯანმრთელობის ჟამს, მიატოვებ სხვა ყველაფერს მის გამო და იქნები მისი ერთგული სიცოცხლის ბოლომდე?

ქალი პასუხობს:

დიახ.

ღვთისმსახური ეუბნება კაცს:

N., მიიღებ ამ ქალს შენს ცოლად, რათა იცხოვროთ ერთად შეთანხმებულ ქორწინებაში? გეყვარება იგი, პატივს სცემ მას, მხარში ამოუდგები და დაიცავ მას ავადმყოფობისა და ჯანმრთელობის ჟამს, მიატოვებ სხვა ყველაფერს მის გამო და იქნები მისი ერთგული სიცოცხლის ბოლომდე?

კაცი პასუხობს:

დიახ.

ღვთისმსახური მიმართავს კრებულს:

იქნებით მათი დაპირებების მოწმენი და დაიცავთ მათ, მათივე ქორწინებაში?

კრებული პასუხობს:

დიახ.

შეიძლება იგალობოს საგალობელი, ფსალმუნი ან ჰიმნი.

სიტყვის მსახურება

ღვთისმსახური მიმართავს ხალხს:

უფალი იყოს თქვენთან.

ხალხი: და ასევე შენთან

ვილოცოთ:

გულმოდრულად და მარადიულო ღმერთო, შენს ხატად შეგვექმენი ჩვენ კაცად და ქალად: გულმოდრულად მზერით მოხედე ამ კაცსა და ქალს, რომლებიც შენი კურთხევის მისაღებად მოვიდნენ აქ. დაეხმარე მათ შენი მადლით, რათა ჭეშმარიტი ერთგულებითა და მტკიცე სიყვარულით დააფასონ და დაიცვან ის აღთქმანი და დაპირებანი, რომლებიც მათ დადეს. უფლისა ჩვენისა იესო ქრისტეს მიერ, ვინც ცოცხლობს და სუფევს შენითურთ ერთობაში სულისა წმინდისა, ერთი ღმერთი, უკუნითი უკუნისამდე. *ამენ.*

შემდგომ იკითხება ერთი ან მეტი პასაჟი წმინდა წერილიდან. თუ კი გვრისწერისას ტარდება ზიარება, საკითხავები აუცილებლად უნდა შეიცავდეს სახარებასაც.

დაბადება 1: 26-28

დაბადება 2: 4-9, 15-24

ქებათა-ქება 2: 10-13; 8: 6-7

ტობითი 8: 5b-8

1 კორინთელთა 13: 1-13

ეფესელთა 3: 14-19

ეფესელთა 5: 1-2, 21-33

კოლოსელთა 3: 12-17

1 იოანე 4: 7-16

საკითხავებს შორის შეიძლება ითქვას ან იგალობოს ფსალმუნი, საგალობელი ან ჰიმნი. შესაბამისი ფსალმუნებია 67, 127 და 128.

როდესაც იკითხება პასაჟი სახარებიდან, ყველა ვეხზე დგას, ხოლო დიაკონი ან ღვთისმსახური ამბობს:

სახარება უფლისა ჩვენისა იესო ქრისტესი _____ მიხედვით.

ხალხი: დიდება შენ, უფალო ქრისტე.

მათე 5: 1-10

მათე 5: 13-16

მათე 7: 21, 24-29

მარკოზი 10: 6-9, 13-16

იოანე 15: 9-12

სახარების შემდგომ მკითხველი ამბობს:

უფლის სახარება.

ხალხი: ქება შენდა, უფალო ქრისტე.

საკითხავებს შეიძლება მოსდევდეს ქადაგება.

ჯვრისწერა

კაცი შებრუნდება ქალისაკენ, აიღებს მის მარჯვენა ხელს და ეუბნება:

ღმერთის სახელით, მე, N., გიღებ შენ ჩემს მეუღლედ, რათა მიყვარდე და დაგიცვა ამ დღიდან, ჭირსა და ლხინში, სიმდიდრესა და სიღარიბეში, ავადმყოფობასა და ჯანმრთელობაში, სიყვარულითა და პატივისცემით, სანამ სიკვდილი დაგვაშორებდეს. ეს ჩემი საზეიმო ფიცია.

ისინი ხელს უშვებენ ერთმანეთს. ქალი კი ისევ დგას სახით კაცისაკენ, აიღებს მის მარჯვენა ხელს და ამბობს:

ღმერთის სახელით, მე, N., გიღებ შენ ჩემს მეუღლედ, რათა მიყვარდე და დაგიცვა ამ დღიდან, ჭირსა და ლხინში, სიმდიდრესა და სიღარიბეში, ავადმყოფობასა და ჯანმრთელობაში, სიყვარულითა და პატივისცემით, სანამ სიკვდილი დაგვაშორებდეს. ეს ჩემი საზეიმო ფიცია.

ისინი ხელს უშვებენ ერთმანეთს.

მღვდელი მოიხმობს ღმერთის კურთხევას ბეჭდებზე:

აკურთხე, უფალო, ეს ბეჭდები იმ ალთქმების ნიშნად, რომლითაც ეს კაცი და ქალი საკუთარ თავს ერთმანეთს უძღვნიან. უფლისა ჩვენისა იესო ქრისტეს მიერ. *ამენ.*

წყვილი მონაცვლეობით იღებს ბეჭდებს, უკეთებენ ერთმანეთს თითზე და ამბობენ:

N., მე გაძლევ ამ ბეჭედს ჩემი ალთქმის სიმბოლოდ, ნიშნად იმისა რომ ჩემი მთელი არსებითა და შეძლებით დაგაფასებ შენ. მამის, ძის და წმინდა სულის სახელით.

შემდეგ ღვთისმსახური აერთებს წყვილის მარჯვენა ხელს და ამბობს:

ახლა N. და N.-მ თავი მიუძღვნეს ერთმანეთს საზეიმო აღთქმებით, ხელების შეერთებითა და ბეჭდების გაცვლით. მე ვაცხადებ მათ ცოლად და ქმრად, სახლითა მამისა, და ძისა, და სულისა წმინდისა.

ვინც ღმერთმა შეაერთა, კაცი ნუ განაშრებს მათ.

ხალხი: ამენ.

ლოცვები

ყველა ფეხზე დგას, ღვთისმსახური ამბობს:

ვილოცოთ ერთად იმ სიტყვებით, რომელიც ჩვენმა უფალმა გვასწავლა.

ხალხი და ღვთისმსახური ერთად:

მამაო ჩვენო, რომელი ხარ ცათა შინა,

წმინდა იყოს სახელი შენი, მოვიდეს სუფევა შენი,

იყოს ნება შენი, ვითარცა ცათა შინა, ეგრეცა ქვეყანასა ზედა.

პური ჩვენი არსობისა, მოგვეც ჩვენ დღეს და მოგვიტევე ჩვენ თანანადებნი ჩვენნი,

ვითარცა ჩვენც მივუტევეთ თანამდებთა მათ ჩვენთა,

და ნუ შეგვიყვან ჩვენს განსაცდელსა,

არამედ გვიხსენ ჩვენ ბოროტისაგან.

რამეთუ შენია სუფევა, ძალი და დიდება,

უკუნითი უკუნისამდე. ამენ.

თუ კი ჯვრისწერას მოსდევს ზიარება, მაშინ აქ მოხდება საუფლო ლოცვის გამოტოვება.

დიაკონი ან წინასწარ არჩეული პიროვნება წაიკითხავს შემდეგ ლოცვებს, რომელსაც ხალხი პასუხობს: ამენ.

თუ კი ჯვრისწერას არ მოსდევს ზიარება, მაშინ უნდა მოხდეს ერთი ან რამდენიმე ლოცვის გამოტოვება.

ვილოცოთ.

მარადიულო ღმერთო, ყოველი სიცოცხლის შემოქმედო და დამცველო, ხსნის ავტორო და ყოველი მადლის მომნიჭებელო: კეთილად მოხედე შენს მიერ შექმნილ სამყაროს, რომლისთვისაც შენმა ძემ თავისი სიცოცხლე შესწირა, განსაკუთრებით კი მოხედე ამ კაცსა და ქალს, რომლებიც გახადე ერთი სხეული წმინდა ჯვრისწერაში. *ამენ.*

ღმერთო, მიეცი მათ სიბრძნე და ერთგულება მათი ერთობლივი ცხოვრების დაგეგმვისათვის, რათა ერთმანეთისთვის ძალა იყვნენ გაჭირვებაში, დაბნეულობისას მრჩეველნი, მწუხარებისას მანუგეშებელნი და სიხარულისას ბედნიერების გამზიარებელნი. *ამენ.*

მიმადლე, რათა მათი ნება შეერწყას შენს ნებას და მათი სული შენს სულს, რათა ისინი გაიზარდონ სიყვარულსა და მშვიდობაში შენთან და ერთმანეთთან, მათი ცხოვრების ყოველი დღის განმავლობაში. *ამენ.*

მიეცი მათ მადლი, რათა როცა ისინი ერთმანეთს გულს ატკენენ, შეიცნონ და აღიარონ თავიანთი ბრალეულობა და ეძიონ პატიება ერთმანეთისაგან და შენგან. *ამენ.*

მათი ერთობლივი ცხოვრება გახადე ქრისტეს სიყვარულის მიმანიშნებლად ამ ცოდვილი და გატეხილი სამყაროსათვის, რათა ერთობამ გადალახოს გაუცხოება, პატიებამ განკურნოს დანაშაული და სიხარულმა დაამარცხოს სასოწარკვეთა. *ამენ.*

მიჰმადლე მათ, თუ ეს შენი ნებაა, შვილების ყოლის ბედნიერება და მადლი, რათა გაზარდონ ისინი ისე, რომ გიცნობდნენ, უყვარდენ და გემსახურონ შენ. *ამენ.*

მიჰმადლე მათ ურთიერთ სიყვარულის ისეთი აღსრულება, რომ მათი სიყვარული და მზრუნველობა სხვებსაც მისწვდეს. *ამენ.*

მიჰმადლე ყოველ დაქორწინებულს, ვინც დაამოწმა ეს აღთქმები, რომ თავიანთ ცხოვრებაში იპოვონ სიძლიერე და დადასტურებული ერთგულება. *ამენ.*

მიჰმადლე, რომ ჩვენი საერთო კაცობრიობის კავშირი, რომლითაც შენი ცოცხალი და გარდაცვლილი შვილები ერთმანეთთან არიან გაერთიანებულნი, დაე შენი მადლით ისე გარდაიქმნან, რომ შენი ნება ისევე განხორციელდეს დედამიწაზე, როგორც ეს სამოთხეშია; სადაც შენ, მამაო, შენს ძესთან და წმინდა სულთან ერთად ცოცხლობ და სუფევს სრულყოფილ ერთობაში, აწ და მარადის. *ამენ.*

ქორწინების დალოცვა

ხალხი დგას, ქმარი და ცოლი დაჩოქილები არიან, ხოლო მღვდელი ამბობს შემდეგ ლოცვას.

ო, ღმერთო, შენ აკურთხე ქორწინების შეთანხმება ისე, როგორც ეს ქრისტესა და მისი ეკლესიის სულიერ ერთობაშია გამოხატული. მოავლინე შენი კურთხევა ამ შენს მსახურებზე, რათა უყვარდეთ, პატივი სცენ და დააფასონ ერთმანეთი ერთგულებითა და მოთმინებით, სიბრძნითა და ჭეშმარიტი ღვთისმოსაობით, რათა მათი სახლი იყოს კურთხევისა და მშვიდობის სამყოფელი. უფლისა ჩვენისა იესო ქრისტეს მიერ, ვინც ცოცხლობს და სუფევს შენითურთ ერთობაში სულისა წმინდისა, ერთი ღმერთი, უკუნითი უკუნისამდე. *ამენ.*

ქმარი და ცოლი ისევ დაჩოქილნი არიან, მღვდელი ამატებს კურთხევას.

მამა ღმერთმა, ძე ღმერთმა და სული წმინდა ღმერთმა გაკურთხოთ, დაგიცვათ და დაგიფაროთ თქვენ. უფალმა თავისი მოწყალე მზერით მოგხედოთ თქვენ და აგავსოთ თავისი სულიერი დალოცვითა და მადლით, რათა ერთგულებით იცხოვროთ ერთად ამ სამყაროში და მარადიული ცხოვრება გქონდეთ ცათა სასუფეველში. *ამენ.*

მშვიდობა

ღვთისმსახური ეუბნება ხალხს

მშვიდობა უფლისა იყოს მარად თქვენთან.

ხალხი: და ასევე შენთან.

ახალდაქორწინებული წყვილი ცვლის მშვიდობის სალამს, შემდეგ მშვიდობის სალამს ცვლის მთელი საკრებულო.

როცა ჯვრისწერა არ გრძელდება ზიარებით, ჯვრისწერაზე შეკრებილი კრებული ტოვებს ეკლესიას. იგალობება საგალობელი, ფსალმუნი ან ჰიმნი, ან უკრავს ინსტრუმენტული მუსიკა.

ევექარისტისას

ლიტურგია გრძელდება ახალდაქორწინებული წყვილის მიერ პურისა და ღვინის საკურთხეველთან მირთმევით.

ჯვრისწერის წინასიტყვაობა

ზიარებისას, ღვთისმსახურების შემდეგ პირველი ეზიარება ახალდაქორწინებული წყვილი.

ზიარების შემდგომი ლოცვის ადგილზე ითქმის შემდეგი ლოცვა.

ო ღმერთო, ყოველი ჭეშმარიტების, სიყვარულისა და გულმოწყალების მომნიჭებელო, მადლობას გწირავთ შენ, რომ გაგვაერთიანე შენი ძის იესო ქრისტეს ხორცისა და სისხლის წმინდა საიდუმლოში. მოგვმადლე, რომ შენი წმინდა სულით N. და N., ახლახანს წმინდა ქორწინებაში შეერთებულნი, იყვნენ ერთი გულითა და სულით, იცხოვრონ ერთგულებითა და მშვიდობით, დაე მიიღონ ის მარადიული სიხარული,

რომელიც შენს მოყვარულთათვის არის გამზადებული. უფლისა ჩვენისა იესო ქრისტეს მიერ. ამენ.

როცა ჯვრისწერისთვის შეკრებილი კრებული ტოვებს ეკლესიას, საგალობელი, ფსალმუნი ან ჰიმნი იგალობება, ან უკრავს ინსტრუმენტული მუსიკა.